

## Uachtarán na Parlaiminte: 'Is ríléir cá háit ar cheart dúinn infheistiú'



David Sassoli i láthair ag cruinniú mullaigh sa Bhruiséil an 17 Iúil 2020

**Ag cruinniú mullaigh sa Bhruiséil an 17 Iúil 2020, leag Uachtarán na Parlaiminte David Sassoli amach seasamh na bhfeisirí maidir le buiséad an Aontais don tréimhse 2021-2027.**

Déanfaidh comhaltaí na Comhairle Eorpaí an buiséad fadtéarmach agus an plean téarnaimh mar fhreagairt ar phaindéim Covid-19 a phlé ag cruinniú mullaigh sa Bhruiséil an 17-18 Iúil. Ag labhairt dó ag túis an chruinnithe sin, leag an tUachtarán David Sassoli amach seasamh na Parlaiminte maidir leis an mbuiséad agus an bplean téarnaimh atá molta ag an gCoimisiún Eorpach: "Beidh ról ríthábhachtach ag na cainteanna a bheidh againn agus ag na cinní a bheidh le déanamh againn in atógáil an Aontais seo againn sna blianta amach romhaínn."

## 'Freagrachtaí agus dualgais nua'

Chuir sé in iúl go gcaithfidh [an plean téarnaimh](#) geilleagar na hEorpa a athrú ó bhonn agus aghaidh a thabhairt ar na míchothromaíochtaí atá ag méadú: "Leis an bpaindéim seo, tugadh roinnt freagrachtaí agus dualgas nua dúinn: an fhreagracht atá orainn cinntí a dhéanamh, agus an dualgas na cinntí sin a dhéanamh ar mhaithe le gach duine agus ní hamháin do dhream beag. Más é sin an treoir atá againn, is ríleir cá háit ar cheart dúinn infheistiú: sa gheilleagar glas, i gcúram sláinte, san oideachas agus i gcearta digiteacha, daonlathacha agus sóisialta."

D'eisigh an Coimisiún Eorpach togra an mhí seo caite le haghaidh ciste téarnaimh agus buiséad fadtéarmach an Aontais don tréimhse 2021-2027. Chuir an tUachtarán i bhfáth go dtacaíonn an Pharlaimint leis an leibhéal maoinithe atá i dtogra an Choimisiúin agus leis an miondealú a mholtar idir iasachtaí agus deontais. D'iarr an tUasal Sassoli ar na ceannairí áfach [ciseán d'acmhainní dílse nua](#) a thabhairt isteach agus deireadh a chur leis na lacáistí atá ag ballstáit áirithe, rud atá "mífhéarailte agus deacair a dhlísteannú" dar leis.

## 'Ná fágaimis an tAontas ina uathmheaisín bainc uile-Eorpach'

Chuir sé i gcuimhne do na ceannairí rialtais agus stáit go mbeidh céadú na Parlaiminte ag teastáil má tá an buiséad le teacht i bhfeidhm, agus dúirt sé go mbeadh sé "doshamhlaithe" má fhágtar an Pharlaimint ar an imeall agus AE ag teacht ar chomhaontú maidir leis an mbuiséad: "Ní dhéanfaidh an Pharlaimint ancreat airgeadais ilbhliantúil a cheadú ach amháin má chomhlíontar na tosaíochtaí a luaih mé inniu."

Dúirt sé gur chuir [togra Uachtarán na Comhairle Charles Michel maidir leis an mbuiséad "díomá"](#) air: "Má tá téarnamh le bheith ann, beidh maoiniú seasta, fadtéarmach ag teastáil." Leag sé béim chomh maith ar thábhacht na dlúthpháirtíochta le linn na géarchéime reatha: "D'fhás an Eoraip le chéile agus í bunaithe ar chomhluachanna. Ná fágaimis an tAontas ina uathmheaisín bainc uile-Eorpach."

### Tuilleadh faisinéise

[Suíomh gréasáin an Uachtaráin](#)  
[Óráid an Uachtaráin](#)